

SAMPOONIPUTLIST EHTE'

Tühassaanu plastikust sampooniputli' visatas hariligult är'. A noist või hoobis tetä' ilosit ehtit! Tuusjaos lätt vaia terävit kääre, ütte vai kattõ lapikut sampooniputlit, klambrilüüjät, kuuma liimi, nüüri ja pärliid vai litriid lilli süämes. Ku esi' jäät tegemisega hättä, kutsu' kiäki suur inemine appi!

Tegemine käü nii:


1. Mõsõ' putli puhtas, võta' sildi' maaha ja kuivada' välästuult salvrätiga är' — nilbõt putlit om ohtlik lõigada'. Tsuska' üte kääriotsaga putli sisse mulk ja

lõika' tuu poolõs.





2. Üte ehte tegemises jakkus ütest sampooniputli poolõst. Lõika' poolik putli viil kõrd poolõs. Nii muudu piät saada kats ütesuurust kruudukujolist tükkü.

3. Lõika' Tähekesest vällä lillikujo. Tuu om abis plastikust lilli vällälõikamisõ man. Tii' kats lilli.


4. Tii' üte (alomadsõ) lilli häiermä sisse mulk. Sinnä' panõt ilampa nõõri. Tõnõ lill lätt edimädse pääle, tuu lehe' murra' ülespoolõ. Lüü' klambrilüüjaga alomanõ ja päälmäne lill hindävaihol kokko. Liimi' pärli' kuuma liimiga lillile keskele.



šabloon



SAMPOONIPUTLIST EHTE'



5. Ku sul om ka tõist värvi sampooni-putli, võit meisterdä' tuust lillile süäme. Tuusjaos joonista' paprõ pääle väikene tsõör ja lõika' tuu vällä. Tuu perrä lõika' tsõõri' vällä ka plastikust. Tii' tsõõri-kõisilõ otsast sisselõikit. Proovi' lõigada' kõik aig veerest sama kavvõndahe. Painuda' veerekese' üle üte är' ja murra' ülespoolõ. Liimi' kuuma liimiga süä lilli keskele. Muidogi võit kõgõ keskele viil pärlit kah liimi'.

6. Panõ' ehtele nüür mano. Tuu pikkus vali' esi'. Hüvvä kandmist!

Võro küilde pandnu Mariko Easter

